

ՈՐՈՇՈՒՄ

Ճանապարհային ոստիկանության վարչական տույժ նշանակելու մասին թիվ 1706180509, 1706210482, 1706218370, 1706236519, 1706300009, 1706305339, 1706324600 և 1706470292 որոշումների հիմքում դրված փաստական հանգամանքների դեմ բերված գանգատն առանց բավարարման թողնելու մասին, իսկ թիվ 1706244130 և 1706281597 որոշումները բեկանելու և վարչական վարույթները կարճելու մասին

<<28>> 08.2017թ. 17-4-24446

ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե.Գարապետյանս, վերանայելով Մնացական Կիրակոսյանի քննարկման արդյունքում ստեղծված նյութերը

ՊԱՐԶԵՑԻ

Արարատի մարզի Այնթապ գյուղի 7 փողոցի 45 տան բնակիչ Մնացական Կիրակոսյանը դիմումով հայտնել է, որ Mercedes-Benz մակնիշի 35 GN 774 հաշվառման համարանիշի ավտոմոբիլը 2017թ. մայիսի 1-ից վարել է ինքը և խնդրել վերանայել տվյալ ժամանակահատվածում կատարված երթևեկության կանոնների խախտման համար, կայացված որոշումները՝ նշելով, որ դրանցով արձանագրված իրավախախտումները կամ կասկածելի են կամ ունեն նվազ նշանակություն:

<<Վարչական իրավախախտումների վերաբերյալ>> ՀՀ օրենսգրքի 286-րդ հոդվածի 1-ին մասի համաձայն Մնացական Կիրակոսյանը ճանաչվել է որպես խախտումները կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

Թիվ 1706180509, 1706210482, 1706218370, 1706236519, 1706300009, 1706305339, 1706324600 և 1706470292 որոշումների հիմքում դրված տեսանկյունները փաստում են, որ ամրագրված արարքների հատկանիշների և իրավախախտումների հատկանիշների համապատասխանությունները կասկած չեն հարուցում և դրանց համար <<Վարչական իրավախախտումների վերաբերյալ>> ՀՀ օրենսգրքով նախատեսված է վարչական պատասխանատվություն:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 40-րդ կետի համաձայն՝ շրջադարձից կամ հետադարձից առաջ վարորդը պետք է նախապես զբաղեցնի երթևեկության տվյալ ուղղության համար նախատեսված երթևեկելի մասի համապատասխան եզրային գոտին:

09.06.2017թ. թիվ 1706244130 որոշման հիմքում դրված տեսանկյունը փաստում է, որ դիմումատուին պատկանող տրանսպորտային միջոցը 21.05.2017թ. ժամը 17-ին հետադարձ է կատարել Երևան քաղաքի Աթոյան-Բելինսկի-Ռոստոմյան փողոցների խաչմերուկի հատվածում՝ խախտելով վերը նշված նորմի պահանջը, ինչի համար <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 9-րդ մասով սահմանված է վարչական պատասխանատվություն:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 34-րդ մասի համաձայն՝ եթե սույն հոդվածի 1-ին, 2-րդ, 5-րդ, 7-րդ, 9-րդ, 12-րդ, 13-րդ, 19-րդ, 21-րդ, 25-րդ (միայն կանգառ կատարելու մասով) կամ 30-րդ մասերով նախատեսված վարչական իրավախախտումը, սույն հոդվածին համապատասխան, ունի նվազ նշանակություն, ապա անձը համարվում է նախազգուշացված, և լիազորված մարմինը (պաշտոնատար անձը) վարչական պատասխանատվության միջոց չի կիրառում: Ըստ նույն հոդվածի 38-րդ մասի՝ սույն հոդվածի 5-րդ, 7-րդ, 9-րդ, 12-րդ, 13-րդ, 19-րդ կամ 30-րդ մասերով նախատեսված վարչական իրավախախտումն ունի նվազ նշանակություն այն դեպքում, երբ դրա հետևանքով երթևեկության մյուս մասնակիցների